

## A 1878/presidiet

**Flytjandi** Landsdeild Finnlands í Norðurlandaráði  
**Afgreiðsla** Forsætisnefndin

**Þingmannatillaga um áætlun um skiptinám fyrir námsmenn frá Hvíta-Rússlandi****Tillaga**

Landsdeild Finnlands í Norðurlandaráði leggur til að

Norðurlandaráð beini tilmælum til Norrænu ráðherranefndarinnar um

að hún leggi drög að áætlun um skiptinám fyrir námsmenn frá Hvíta-Rússlandi fyrir árin 2022–25

að Norræna ráðherranefndin ráðstafi fjármunum í fjárhagsáætlun sinni til þessarar nýju skiptinámsáætlunar

Landsdeild Finnlands í Norðurlandaráði leggur til að

Norðurlandaráð beini tilmælum til ríkisstjórna á Norðurlöndum um

að skipuleggja framkvæmd áætlunarinnar í samstarfi við Norrænu ráðherranefndina

**Bakgrunnur**

Stjórn málaástandið í Hvíta-Rússlandi hefur lengi verið ótryggt. Mannréttindabrot eru mjög algeng og samkvæmt mannréttindastofnunum sitja allt að 40 þúsund í fangelsi sem hafa gagnrýnt hvernig komið er fyrir mannréttindum í landinu. Þetta á einnig við um námsmenn sem hafa gagnrýnt stjórnvöld og þess vegna verið hafnað um skólavist. Ýmsar heimildir herma að rúmlega 360 námsmenn hafi orðið fyrir barðinu á slíku og þvíumlíku.

Norðurlandaráð hefur um margra ára skeið haft sérstakar áhyggjur af hömlum á lýðræðisþróun í Hvíta-Rússlandi. Markmið Norðurlandaráðs er að stuðla að pólitísku samráði stjórnarandstöðunnar í Hvíta-Rússlandi, almennasamtaka og stjórnvalda og þannig styðja við lýðræðisþróun í landinu og efla tjáningarfrelsi, umburðarlyndi og jafnræði. Undir þetta fellur að stuðla að og byggja upp samskipti við uppvaxandi kynslóð Hvít-Rússa. Mikilvægt er að koma á nánara samstarfi milli ungmenna og einnig á sviði menntunar.

Í alþjóðastefnu okkar segir: „Óháð landi og flokkspólitískum línunum einkennast Norðurlöndin af djúpstæðri virðingu fyrir lýðræði, réttarríki, jafnræði og



mannréttindum. Þetta eru gildi sem við á Norðurlöndum lítum á sem sjálfsagðan hlut, en í mörgum löndum er svo ekki. Norðurlöndin geta látið til sín taka í heiminum með því að tala ávallt skýrri röddu sem stendur vörð um þessi gildi.“ Stuðningur við námsmenn í Hvíta-Rússlandi er raunhæft úrræði og sendir umheiminum skilaboð um að almenningur og almennasamtök í landinu séu ekki gleymd.

Menntun er talin mikils virði á Norðurlöndum. Tekið er eftir árangri norrænu landanna í alþjóðlegum samanburðarrannsóknum undanfarin ár. Framfarir í löndunum hafa verið sérlega miklar að því er varðar menntakerfi, háskóla og brautryðjandi rannsókna auk nýsköpunar og innleiðingar nýrrar tækni. Norðurlönd hafa reynslu af samstarfi við ESB á menntasviði og þar sem ráðherranefndin hafði umsjón með Evrópusambandsáætlun um fjárhagsaðstoð við námsmenn í Hvíta-Rússlandi sem vildu komast til náms í löndum Evrópu. Þeirri ESB-áætlun var lokið árið 2018.

Helsingfors, 7. apríl 2021

*Anders Eriksson (ÅF)*  
*Anna-Kaisa Ikonen (saml)*  
*Camilla Gunell (ÅSD)*  
*Erkki Tuomioja (sd)*  
*Eveliina Heinäluoma (sd)*  
*Heidi Viljanen (sd)*  
*Heli Järvinen (grænum)*  
*Ilmari Nurminen (sd)*  
*Joakim Strand (sv)*  
*Jouni Ovaska (cent)*

*Juhana Vartiainen (saml)*  
*Kaisa Juuso (saf)*  
*Lulu Ranne (saf)*  
*Mikko Kinnunen (cent)*  
*Mikko Kärnä (cent)*  
*Outi Alanko-Kahiluoto (grænum)*  
*Riikka Purra (saf)*  
*Veronika Honkasalo (vinstri)*  
*Vilhelm Junnila (saf)*  
*Wille Rydman (saml)*